

BOSNA I HERCEGOVINA  
FEDERACIJA BOSNE I HERCEGOVINE  
FEDERALNO MINISTARSTVO FINANSIJA  
FEDERALNO MINISTARSTVO FINANSIJA

Broj: 04-02-5-7940/23  
Sarajevo, 28.11.2023. godine

**VLADA FEDERACIJE BOSNE I HERCEGOVINE**  
n/p sekretaru

**PREDSTAVNIČKI/ZASTUPNIČKI DOM PARLAMENTA FEDERACIJE BiH**  
n/p sekretaru  
n/p zastupniku Admir Čavalić

**SARAJEVO**

**PREDMET:** Odgovor na zastupničko pitanje, dostavlja se  
**VEZA:** Akt Vlade Federacije BiH broj: 03-04-1253-8/23 od 31.10.2023. godine

Poštovani,

U vezi sa dostavljenim zastupničkim pitanjem, koje je, na 8. vanrednoj sjednici Predstavničkog/Zastupničkog doma Parlamenta Federacije Bosne i Hercegovine održanoj 25.10.2023. godine, postavio zastupnik Admir Čavalić, a koje se odnosi na to da li ovo Ministarstvo radi simulacije uticaja različitih zbirnih stopa doprinosa (30%, 28%, 27% 25% i sl.) na prihode vanbudžetskih fondova, visinu neto plata pojedinih kategorija radnika (shodno platnim razredima), kao i na troškove plaća poslodavaca, dajemo sljedeći odgovor:

Urađene su mnogobrojne analize uticaja smanjenja zbirne stope doprinosa, i u različitim opcijama širenja osnovice na koju bi se plaćali doprinosi, na prihode od doprinosa, na trošak plaće poslodavca kao i stvaranje realnih pretpostavki, u različitim opcijama na smanjenja troška plaće, povećanja plaća zaposlenih. Plaće zaposlenih reguliraju se posebnim propisima, a ne Zakonom o doprinosima. Smanjenjem zbirne stope doprinosa smanjit će se troškovi plaća poslodavca što ostavlja mogućnosti za povećanje plaća zaposlenicima. U novim zakonskim rješenjima, kada je u pitanju Zakon o doprinosima, pored rasterećenja poslodavaca, jedan od temeljnih prioriteta je i održivost vanbudžetskih fondova i naplate prihoda od doprinosa za penzijsko i invalidsko osiguranje (kako se ne bi urušili sistem zdravstva i penzijski sistem kao i ostvarivanje prava nezaposlenih lica). Svako značajnije smanjenje zbirne stope doprinosa bez istovremenog proširenja osnovice na koju bi se plaćali doprinosi, je neodrživo jer bi isto imalo za posljedicu smanjenje prihoda od doprinosa čime bi se izravno ugrozila održivost vanproračunskih i proračunskih fondova koji se izravno financiraju od ovih sredstava.

BOSNIA AND HERZEGOVINA  
FEDERATION OF BOSNIA AND  
HERZEGOVINA  
FEDERAL MINISTRY OF FINANCE

Bosnia i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno:	06-12-2023		
Org. jed.	Broj	Priloga	Vrijednost
05/1	-02-	397	123

Analize su pokazale da bi ponuđene zbirne stope doprinosa, u zastupničkom pitanju, od: 30%, 28%, 27%, 25% i slično, čak i uz širenje osnovice na koju bi se plaćali doprinosi (naknada za topli obrok i regres i primanja od povremenog samostalnog rada), dovele do značajnog pada prihoda od doprinosa, a u konačnici i do onemogućavanja ostvarivanja prava iz obaveznih osiguranja.

Federalno ministarstvo financija, kao ovlašteni predlagač predmetnih fiskalnih zakona, intenzivno radi i analizira sve moguće opcije vezano za ukupnu zbirnu stopu doprinosa te će o svemu upoznati zainteresiranu javnost kada se za to steknu preduvjeti. Uvažavajući kompleksnost trenutne fiskalne održivosti fondova mirovinskog/penzijskog osiguranja, fondova zdravstvenog osiguranja i fondova zapošljavanja iz kojih radnici crpe svoja prava, smatramo da bi u ovom trenutku bilo preuranjeno iznositi bilo kakve projekcije zbirne stope doprinosa obzirom da iste mogu biti samo dio paketa fiskalnih zakona koji reguliraju porez na dohodak i doprinose kao i osnovice za izračun istih.

S poštovanjem,

**MINISTAR**

**Toni Kraljević**

